

9
DISPUTATIO ^{Q. D. B. V.} JURIDICA
^{D E}

PRÆCIPUIS
RUSTICORUM
PRIVILEGIIS,

Don
Denen besondern Privilegien derer

Bauern/

QUAM

Auxiliante Divina Gratia & Consentiente
Magnifico JCTORUM Ordine

SUB PRÆSIDIO

DN. AUGUSTI BENEDICTI
CARPZOVII,

J. U. D. Pandect. Prof. Publ. Canon. Numburg.

& Facult. Jurid. Assessor.

ANNO M. DC. LXXIIX. D. XXXI. Maji

H. L. Q. C.

publico Eruditorum examini exponit

CHRISTOPH. HENR. Schwegrißen/
Misenensis.

L I P S I Æ,

Literis ANDRÆ MARTINI SCHEDII

Recus. 1718.


THE
LIBRARY OF THE
MUSEUM OF MODERN ART
1000 5th Ave. New York 17, N.Y.

CHIEF OF THE
LIBRARY

LEONARD ROSEN

1000 5th Ave. New York 17, N.Y.

CHIEF OF THE
LIBRARY



^Q D. B. V.
DISPUTATIO

^{D E}
PRÆCIPUIS RUSTICORUM
PRIVILEGIIS.

CAP. I.

De rustici definitione nominali.

§. I.

Privilegiorum rusticorum interpretationem facturę operę pretium duxi, vocabulorum prius explanare sensum, quam rem ipsam aggrediar, non quod verborum desiderem dissertationem, sed quia vel ipse Ulpianus *l. i. ff. de J. & J. l. i. pr. ff. de R. C. l. i. pr. ff. de acquir. poss. l. i. pr. ff. de furt. l. i. §. i. ff. de Pactis. l. 49. ff. de V. S. e re juri operam daturi judicat, unde juris descendat nomen, posse: quia vero primi vocabuli definitio toties fuit repetita, ut quis in ea investiganda copiosus Iliada post Homerum conscribere videatur, insuper nec de privilegiis absolute agere mei sit propositi; illud saltem addo, quod per privilegium nihil intelligam aliud, quam jus aliquod speciale atque præcipuum, quod privat quasi legem generalem vi sua obligatoria, *Richter. Decis. 4. n. 9. §. 10. Eck. §. 6. ff. de const. Pp.* aut quod privatis, id est, singulis, non omnibus competit. *vid. Job, Philipp. in usu pract. Inst. l. i. ecl. 13. n. 3.**

§. 2. Duplicem autem Logici faciunt definitionem, nominalem alteram, alteram realem: Illam si respicio in præsentî themate, vocabulum *rusticus* derivatum videtur a *Rure*, *vid. Becm. de Orig. lat. lingu.* hoc autem a *rurus* quidam dictum putant, quia in *rure* quotannis *rurus* eadem fiant, i. e. ut fructus capiantur, *Varr. l. 4. de lingu. lat.* Germanis dicuntur *Bauern* a *bauen* quasi ein *Bauer* des Landes oder *Ackers*.

A 2

§. 3. Nec

§. 3. Nec una eademque significatione semper sumitur hoc vocabulum, nonnunquam enim usurpatur adjective, & denotat rem propter usum & finem ipsius rebus urbanis oppositam, licet ipsa quoq; in urbe existat, v. g. prædium rusticum *pr. U §. 3. de servis. præd. l. 1. r. 2. passim ff. de S. P. R. l. si prædium C. de præd. minor. l. 99. ff. de leg. 3. familia rustica l. 166. ff. de V. S. ibiq; Joh. Jac. Wissenb. n. 3. locus rusticus Eck. de damn. infect. §. 1. l. 19. §. 1 ff. b. t. it. l. 5. pr. ff. finium regund. mancipia rustica l. urbana 166. ff. de V. S. l. 1. servus urbanis U l. cum quaeretur de leg. 3. l. quemadmodum ff. de supell. leg. l. si prædium C. de præd. minor. vel distingvit personam cultiorem a rudiori, ingeniosorem a simpliciore, licet inter cives ea degat: Sic Ovidius puellas illas, quæ vel propter austeritatem vel simplicitatem ad (vavissima verborum commercia invitare nesciunt adolescentes rusticas, i. e. Bauermdgd, gen appellat, *lib. 1. de remed. amor. v. 350.**

*Et poterit dici petulans quæ rustica non est,
Et poterit dici rustica, si qua proba.*

Nonnunquam usurpatur & substantive vel ad faciendam alicui injuriam, wenn man einen einen groben Bauer nennet, v. g. apud Virg. *Eclog. 2. v. 56.*

Rusticus es Corydon.

vel ad denotandos homines illos illasve simplices, qui quæve colunt in jure, exercentque rus, quo sensu & nos hoc vocabulo in præsentî negotio utimur.

§. 4. Hi vero rustici alio nomine dicuntur agricolæ, agricultores *auth agricultores C. qua res pign. obl. possunt agricultores, rusticolæ, rusticiani, l. ne quis Cod. ne rusticiani ad ullum rus habitantes, rusticantes, pagani.*

§. 5. Ex dictis facile patet, quod per privilegium rusticorum intellectum velimus, scilicet non omne id, quo utuntur indistincte omnes rustici, sed illud modo, quo rustici simplices atque in pagis viventes præ reliquis vel sagacioribus vel in urbe viventibus gaudent. Et hinc sequitur.

CAP. II.

CAP. II.

DE

Definitione privilegiorum rusticorum reali.

§. I.

Sunt itaque privilegia rusticorum privilegia rusticis ob rusticitatem partim, partim ob solitudinem & paucitatem hominum in pagis viventium, ex dispositione superioris singulari circa ipsorum personas, res atque actiones competentia.

§. 1. Genus constituimus *privilegia*, quia secundum naturam suam cessare hæc faciunt jus commune, quæ quoque natura est omnium privilegiorum. Cum vero privilegia realia alia sint, alia personalia. *Eck. ff. de Const. Pp. §. 7 l. 196 ff. de R. J.* personalia iterum vel communiter, vel singulariter talia, §. 6. *I de J. N. G. & C.* quæstionis est, quibusnam hæc annumeranda sint? Resp. personalibus, 1. quia hæc privilegia non adhærent rebus vel causis rusticorum, ut ea cum rebus a se ad personas civiles transferre possint. 2. quia data sunt personis rusticorum & cum iis extinguuntur, & cum hæc non uni rusticorum individuo competant, sed omnibus, sequitur, quod referenda sint inter privilegia personalia, non singulariter sed communiter talia. *vid. Wissenb. ad l. 68. § 196. ff. de R. J.*

§. 3. Differentia petitur partim a causa efficiente & impulsiva, quarum illa est specialis a Superiore facta juris dispositio; hæc vero rusticitas atque simplicitas, de quibus cap. seq. ulterius, partim a subiecto, quod constituunt rustici, de quibus cap. 4. partim ab objecto, quod sunt personæ res atque actiones, de quibus cap. 5. partimque ab effectu & contrariis, quod est rusticorum simplicium a jure communi exemptio, & sagacium eorumque qui in civitate degunt, ab his privilegiis exclusio.

CAP. III.

DE

Causa efficiente & impulsiva.

§. I.

Causam efficientem fecimus specialem a Superiore factam juris dispositionem.

A 3

dispositionem: cum enim hæc privilegia sint contra generalem juris dispositionem, ita, ut eam tollant, necessario requiritur, ut etiam auctorem agnoscant eum, qui derogare legibus potest, seu penes quem legislatoria existit potestas, *l. 1. §. 1. ff. de Const. Pp. Reink. de regim. secul. & Eccles. l. 1. class. 2. cap. 2. n. 10.* Hunc autem vocavimus Superiorem, per quem intelligimus eos, qui pollent juribus majestaticis in suis territoriis, sive sit unus, sive pauci, sive omnes.

§. 2. Possunt itaque in Imperio nostro privilegia rusticis concedere post Imperatorem, Electores alique Status Imperii, ideo, quia hi in suis territoriis vi juris Superioritatis leges sancire possunt, *Bach. & Habn. ad Wesenb. d. l. n. 3. vers. localem quisque Dux.* Jam vero a sanctione legis ad concessionem privilegii firmiter argumentari licet. Siquidem talem specialem dispositionem in deprehendimus quoque in jure Civili tam Digestorum, ubi expressus textus est, *in l. 7. §. 4. ff. de jurisdict. quam Codicis vid. l. ult. C. de testament. auth. agricultores, C. que res pign. obl. poss. & alibi, ut & Novellarum, uti patet ex Nov. 32. 33. 34. & passim.* Nec minus *in R. l. de an. 1512. tit. von Testament §. und sollen die Notarien, vers. 2. item und auf den Gau.* Hic queritur de Nobilibus, quibus merum imperium aut secundum mores hodiernos, alta jurisdictio concessa est, an & ipsi rusticis suis privilegia concedere possint? Quod negandum videtur, quia illa jurisdictio in facultate de rebus criminalibus cognoscendi & statuendi, imo & exequendi sententiam criminalem consistit *l. 3. ff. de jurisdict.* non vero in sanctione legum, utpote quæ neque imperii, neque jurisdictionis est, *Trentl. vol. 1. D. 3. th. 5. lib. 6.* sed ad regalia pertinet: jam vero leges qui condere nequit, privilegia quoque concedere non posse firmiter infertur.

§. 3. Causa impulsiva est duplex, partim rusticitas i. e. simplicitas atque imperitia, loquitur *Meier. in C. J. A. de prob. th. 20.* quem sinceram ac simplicem veritatis nunciatricem appellat *Choppinus in tr. de priv. rust. l. 2. c. 3. p. 173.* licet enim rustici soleant esse versuti, audaces, callidi, sagaces, nec boni, nisi coacti, communiter tamen simplices & stolidi habentur, *Richter. p. 1. decis. 1. n. 191 seq.* Hæc itaque simplicitas cum rusticis quasi propria & innata sit, quare lucro debeat cedere homini versuto & callido? *Meier. cit. loc.* partim quoque solitudo seu paucitas hominum iis præprimis in causis, ubi inter per-

personas civiles requiritur pluralitas. Hæc a simplicitas vera sit, non simulata necesse est, sicuti enim deceptis non decipientibus hujusmodi privilegia communiter succurrunt, ad l. 2. §. 3. ff. de *Stum Vellej.* l. 37 ff. de *minor.* ita etiam dolofo rustico non erit auxilio privilegium, quin potius omnia jura rusticitati, quæ subveniunt ita, limitanda sunt, nisi rustici sint versuti atque sagaces. *Myns.* ad §. 8. *Id. excus.* Si vero de simplicitate rustici dubitetur, Qv. Cui incumbat probatio an rustico, an vero parti adversæ? Resp. cum simplicitatem rusticis quasi propriam & innatam antea cum Richtero diximus, præsumendum videtur pro rustico, & onus probandi parti adversæ imponendum, cum & alias quilibet bonus præsumatur, donec contrarium probetur. *arg. l. 51. pr. ff. pro socio.*

CAP. IV.

DE

Subjecto privilegiorum rusticorum.

§. I.

Subjectum privilegiorum rusticorum est rusticus, de quo nota originem in Germania: ea autem adscribitur Henrico Aucupi: Etenim cum a Francis ad Saxones Imperium esset devolutum, hincque Henticus Hungaros atrocissime Germaniam affligentes ita contulisset, ut in posterum a Germania vexanda abstinere necesse habuissent, militiam instituit Germanicam, oppida hinc inde condidit, ac novum quemvis virum ex agro & pagis cum tertia frugum ad eos spectantium parte in prædicta oppida transtulit. *vid. Lehmann. in Chron. libr. 5. c. 1.* & Germaniam in tres status divisit, nobiles, cives & rusticos, adde *Georg. Horn. Orb. Polit. c. 1. p. m. 15. ll.* Descriptionem: Rusticum autem, salvo aliorum judicio, ita describo, quod sit persona rudis, quæ ad agrum commodius colendum, operasque rusticas peragendas ab urbanorum conversatione & strepitu forensi remota, laboriosam in illis degit vitam, *Richi. qu. 1. decis. 1. n. 190.*

§. 2. Appellavimus rusticum personam 1. rudem: a rusticis enim cum quotidie laboriosissimæ operæ sint præstandæ, quæ a persona delicata & a capsula quæ lubinde prodit, expectari non possunt, nec tribui hoc nomen ipsi posse videbatur: 2. laboriosam vitam degentem, quibus non obstant elegantissimæ agriculturæ encomia passim

passim apud Scriptores occurrentiā. Sic Cicero *l. 1. offic. nihil agri-*
cultura dulcius judicat : nec quod hujus dulcedine commoti
 multi heroes, relictis armis vitam in arvis egerint: Sic Hercules
 manu sua quercus sevisse dicitur, *Plin. l. 16. c. 44.* Sic agriculturæ quo-
 que deditus fuit Diocletianus Imperator, *Tiragr. tr. de nobilitate c. 32.*
n. 5 adde Val. Max. l. 8. c. 14. Horum enim labores, si comparabis cum
 rusticorum laboribus, toto coelo differre eos deprehendes: indica-
 re enim, quid factu opus sit, seu usurpare oculis, quod alii expedi-
 unt, & manibus pedibusque rem ipsam maturare, differre a se in vi-
 cem, quis non intelligit? Et sicut fruges crescentes aspicere uberri-
 mam hominis animo gaudii materiam præbet: Sic facere, bene ut
 crescant, durissimum corpori affert laborem. Et quid? si vel maxime
 illi laboraverint, laborarunt non coacti, & quod laborando lucri fe-
 cerunt, sibi acquisiverunt: At miseri rustici laborant coacti, & ita
 laborant, ut alios suo sudore conservent, quod satis indicant rhythmī
 illi durissimam illorum conditionem hunc in modum desineantes:

Der Kaysrer will haben seine treue Psicht,
 Der Pastor will haben seine freye Qvitt,
 Der Edelmann spricht, ich bin frey,
 Der Jude treibt seine Bucherey,
 Der Soldat spricht, ich gebe nichts,
 Der Bettelmann spricht, ich habe nichts,
 Da sagt der Bauer, das muß Gott walten,
 Muß ich denn diese alle erhalten,
 So geb ich mich gedultig drein,
 Und wollens also zu frieden seyn.

§. 3. Denique ideo in villis vivere diximus rusticos, ut com-
 modius agrum colere possint: cum enim e primo statim jubaris or-
 tu, vel etiam ante eum surgendum sit agricolis, inque hortos cam-
 posque progrediendum, ibidemque commorandum ad seram us-
 que vespæram, comoda ipsi in urbibus habitatio dari non potest:
 utpote cujus portæ ad statutum tempus clauduntur & recluduntur,
 quisquis etiam foras existat: Hinc cum Serenissimus Elector Sax.
 hanc rem accuratiori mentis trutinâ perpendisset, multosq; Wit-
 tebergæ existere, qui sola agricultura viverent, vidisset, certum tem-
 pus

pus per totum annum definivit, quo aperiri & claudi portæ deberent, ut & illi rem suam curare possent, arx vero non haberet, quod timeret ex apertura portarum. *vid. die Erlebigung der Landsgebr. sit. von Justitien. Sachen §. wie es zum 94.*

§. 4. Dividere autem rusticos possumus I. ratione prædiorum in rusticos prædia rustica majora possidentes, die Pserdner, so Pserder Güter haben, & colonos seu hortulanos, die Häusler/ Hinterlassen oder Gärtner: Quamvis autem illi sæpissime plures easque duriores operas præstare Dominis suis teneantur, attamen quia hoc contingit intuitu prædiorum, ita ut quo plura quis possideat prædia, eo plures præstare operas teneatur, tam hos, quam illos privilegiorum rusticis concessorum capaces existimamus. II. in manentes seu alieni juris, qui ex singulari statuto usuque recepto ita quasi glebæ adscripti, ut invito domino discedere non possint, sed manere cogantur, quos Saxones Lassen, Poloni Kmettones vocant, de quibus videri potest *Frid. Husan. tr. de propr. hominib.* Et liberos seu sui juris, qui invito quoque Domino prædia sua vendere & domicilium mutare possunt. Ulterius possemus dividere rusticos ratione frugum, quas eorum proferunt fundi, in Korn- oder Weißen, Bauern, & Weinbauern. Verum qualis qualis sit divisio, omnes tamen rustici simplices & in pagis viventes huc pertinent. Obiter hic queritur, an rustici nostri differant a servis Romanorum? quod omnino affirmamus, quia servitus in Christianorum Rebus publicis esse desiit, nec nisi contra Turcas ac Saracenos aliosque infideles usurpatur, *Philipp. in usu Pract. I. l. 1. Ecl. 38.* Ergo sequitur eos esse liberos, cum statum mixtum non admittat jus nostrum, *pr. l. de J. P. l. 3. ff. de stat. hom.* Non obstat, quod sint in potestate suorum dominorum: quia in ea sunt non ut servi: neque quoad personam, sunt enim liberi, ceterum jam dictum, neque quoad bona, sibi enim, non dominis, ut servi, acquirunt. §. 3. I. *per quas person. nob. acquir.*

CAPUT V.

DE

Objecto Privilegiorum rusticorum.

§. I.

Sicuti omne jus, quo utimur, vel ad personas pertinet, vel ad res,
B vel

vel ad adiones §. 12. *I. de J. N. G. & C.* ita objectum privilegiorum rusticorum constituunt partim ipsæ rusticorum *personæ*, partim eorum *res* atque *actiones*: Primum itaque cujus vis ad personas, res atque actiones se exerere videtur, est, quod rustico jus ignorare liceat. *l. 2. §. 1. ff. si quis in jus vocat. Mollenbec. in divis. jurid. cent. 2. divis. 40. lit. b.* Ubi quaeritur, quousque hoc privilegium se extendat? Resp., non certe ad jus naturale, i. quia hoc natura omnia animalia docuit, *pr. I. de I. N. G. & C.* ergo docuit certe & rusticos. II. quia privilegia rustica dependent ex jure civili, civilis autem ratio civilia quidem jura corrumpere potest, naturalia vero non utique §. 3. *I. de leg. agnat. tut.* nec ad jus gentium, cum quod omnes gentes sciunt, rustici ignorare non possunt: nec ad omne indifferenter jus civile, sed ad illos saltem casus, qui in legibus sunt expressi. *arg. l. f. C. de jur. & fact. ign. Renat. Chopp. de priv. rust. l. 1 p. 2. c. 5. n. 4. v. g. in l. 1. §. ff. de edend. l. 25. §. 1. ff. de probat. l. 2. §. f. ff. de jure fisci l. 8. C. qui admittit ad bon. poss. possunt. §. 9. l. 3. §. 22. ff. de Scito Silvanian. it. ad casus difficiles & reconditos, Berlich. p. 2. concl. 22. n. 4. & ubi peritiores consulere non possunt, Finkelth. obs. 75.*

§. 1. *Personas* itaque quod concernit, gaudent privilegiis præ aliis rustici primo circa servitia Dominis suis ex universali totius fere Germaniæ consuetudine in terris nostris expressa sanctione suffulta, *vid. Ord. Provinc. de anno 1555 tit. von Bauftronen. & p. 2. cons. Aug. 52. ad quam vid. Carpzov præstanda*, quæ in eo consistunt, ut tempore sationis atque collectionis ab ipsis sint immunes, *l. 1. C. de agric. & cens. Carpz. lib. 6. Resp. 122. n. 14.* cum tamen aliis temporibus rustici ad ædificia exstruenda vel reparanda vel melioranda, Dominis suis operas tam manuales quam vecturas præstare cogantur *Carpz. p. 2. c. 52. d. 1. & in foro Saxonico quidem non solum ad ædificia habitationis, sed etiam ad omnia, quæ necessitas & utilitas feudi requirit, Decis. Elect. 33. ibique D. Philipp. obs. 1. n. 5.* Quod privilegium concessum rusticis propter utilitatem partim propriam, partim publicam, quia si in satione & collectione tempus opportunum non observetur, opera luditur, *Brumm. ad l. 1. C. de agric. & cens.*

§. 3. Porro circa tutelam & curam iterum truantur privilegio rustici: Cum enim communiter omnibus imponi possit tutela atque cura, nisi prohibeantur *arg. l. 43. §. 1. ff. de procur. pauperis exceptis,*

ceptis, de quibus *tot. tit. 7. ff. de excusat.* Rustici tamen interdum excusantur, *L. 6. §. 19 ff. de excusat.* si sc. rusticitati adjuncta simplicitas *Mynf. ad §. 8. l. de excus.*

§. 4. Denique Jus speciale tuetur rusticos ab exactoribus tributorum fiscalium: Licet enim alias jus tributarium fundi ac possessoris sit persecutorium *Chopin. l. 1. c. 10. n. 1.* Coloni tamen inquietari non possunt ab exactoribus nomine Dominorum propter tributa fiscalia. *l. 15. C. de agric. & Cens.*

§. 5. Personas rusticorum eorum excipiunt *res*, inter quas prædia rustica principe loco haud immerito refero, in quibus illud privilegium observare licet, quod sint immunia ab hospitiatione militum *l. 5. C. de metat. & Epidemeticis*: quod in dicta lege & ampliatur & limitatur: ampliatur, ut licentia sit quibuscunque possessoribus menforem præparandi hospitii causa accedentem propria autoritate repellere - Limitatur, ut una nocte commorandi facultas militibus concedatur, & hoc iterum propter favorem agriculturæ, *Brunnem. ad dict. tit. C. n. 23. add. Tabor. de metat. part. 3. sect. 2. cap. 3. art. 1. per tot. p. 229 seqq. Perez. d. t. n. 4. 11.*

§. 6. Placet autem considerare *res* juxta earum acquisitionem, de iisdem dispositionem & amissionem. Acquisitionem perpendens invenio jus speciale in usufructu prædiorum desertorum *in l. 8. C. de omni agro deserto l. 1. §. 8.* Cum enim ad usufructum rerum immobilium inter alia requiratur possessio continuata per decennium atque vicennium juxta distinctionem *in pr. l. de usufructu* constitutum legimus in d. l. talem agrum præscribi posse intra biennium: quod ampliatur, ut procedat præscriptio sive contra *l. fin. C. unde vi*, propria autoritate prædium fuerit occupatum, sive a persequatoribus (qui sunt exactores censuum capitationis, & sic dicuntur, quod æqualiter ab omnibus eas exigant, ex mente Alciati apud Calvin. in *Lexic. Jur.*) illud colonis fuerit additum. Cujus privilegii duæ allegantur causæ, favor partim agriculturæ, partim tributorum fisco debitorum, *vid. Brunnem. ad d. l. 8. C. de omni agro deserto l. 1. §. 8. de usu terrarum Saxonicarum vid. Rescript. Electorale de anno 1659. in corp. Sax. post resolut. grav. de anno 1661. fol. 195.*

§. 7. Dispositio circa res rusticorum expeditur vel *inter vivos* vel *inter mortuos*. Utroque casu concessa ipsis sunt privilegia, Rusticus enim moriturus de rebus suis potest disponere

coram quinque testibus, si sc. plures haberi nequeant, *Schneidw. in tit. 1. de testam. ordin. rubr. de solenni testamento, n. 15.* nec necessario requiritur, ut testes illi quinque propria manu testamentum subscribant, *l. f. C. de test.* quæ utique sunt beneficia, cum alias regulariter septem requirantur testes *§. 3. l. de test. ordin. l. 21. §. 2. ff. qui test. fac. poss. l. 21. C. cod.* quæ singuli propria manu annotare necesse habent, qui & cujus testamentum signaverint *l. 30. ff. q. test. fac. poss. Ludw. ad §. 3. l. de test. ord.* Hujus privilegii dux ab Imp. allegantur rationes, quarum prima est rusticitas atque legum imperitia. Ita enim Justinianus *d. l. ult. C. de test.* Cum enim testamentorum ordinatio sub certa definitione legum instituta sit, homines rustici, & quibus non est literarum peritia, quomodo tantam possunt legum custodire subtilitatem; Secunda est vita solitaria & ab hominibus literatis remota; ita enim ulterius sancivit Justinianus: *Si vero unus aut duo vel plures fuerint literati, licet eis pro ignorantibus literas, presentibus tamen, subscriptionem suam interponere* *Carpz. p. 3. C. 4. d. 40.* & hæc potissima ratio est privilegii: quod si enim plures, quam quinque testes haberi queant, illi adhiberi debent, *d. l. ult. verb. ita tamen, ut ubi scienter literas inventi fuerint, septem testes literas scientes, adhibeantur.* Quid vero sentiendum de testamento pagani coram duobus testibus & parochio confecto, anne & illud erit validum? Negativam defendit *Carpz. p. 3. c. 4. d. 43.* legibus antea allegatis innitens. Affirmativam contra tuetur *Coler. p. 1. Decis. 35. n. 4. Richter. Decis. 28. n. 10. Hahn. ad Wesenb. q. test. fac. poss. n. 10. vers. rustici.* Jus Canonicum atque observantiam allegans. Dicendum videtur, tunc admitti posse tale testamentum, si aut consuetudo specialis, aut peculiare statutum de eo doceri possit.

§. 8. Ex dictis facile patet, quid dicendum sit de civibus ruri testari volentibus: iis sc. privilegium hoc non competere *Ludw. exere. 2. §. 9. lit. C.* nisi forte in itinere in morbum incidant, nec in civitatem redire possint, sed cogantur ruri testari, ubi septem testes haberi non possunt, uti demonstrat ex *Mau. ad jus Lubec. p. 2. tit. 1. a. 2. n. 59. Struv. in Jurispr. Rom. Germ. l. 2. tit. 16. n. 12.*

§. 9. Q. hoc loco: an rusticorum privilegium competat quoque Sacerdotibus, nobilibus, fabris, sartoribus &c. in pagis degentibus? Affirmo hoc ipsum cum *Hahn. ad Wesenb. q. test. fac. poss. n. 20. Struv. in Jurispr. Rom. Germ. libr. 2. t. 16. n. 6. Brunn. & Wissenb. ad l. f. C. de testam. & Dd.*

-Dd.communiter, sc. in his eadem militat ratio defectus sc. testium: unde & hac in parte rusticorum loco habentur, *Wisenb. d. l. Quamquam* enim ob rusticitatem ac simplicitatem datum hoc sit privilegium paganis, quæ & ipsa ratio movere Imperatorem ad hanc dispositionem potuit, sola tamen non est, sed defectus etiam testium *Finckelb. obs. 75. n. 14.* quod ipsa verba Constitutionis Imperatoris præcedente §. allegata diserte loquuntur, cum quibus convenit *Constit. Maximil. I. R. L. de anno 15. 2. tit. von Testamenten*, §. und sollen verb. wo Bauersleut Testament machen, und mehr Zeugen nicht zu bekommen wären. *Godefred. ad d. l. ult. C. de test. lit. I. Vasquius l. 3. de Success. §. 22. n. 32. seqq.* Hæc ergo ratio cum potissima sit remissionis solennitatis testamentariæ, & in dictis personis æque ac in rusticis militet, quin eandem juris dispositionem etiam constituat, nullus dubito.

§. 10. Res rusticorum *inter vivos*, quæ expediuntur, *pacta* spectant, vel *contractus*, vel *delicta*, ubi iterum certa occurrunt privilegia. Et quidem respectu *pactorum* in pacto antichretico, quod est, quando ea conditione res pignori datur, ut creditor percipiat fructus invicem usurarum, donec pecunia solvatur. *l. u. ff. de pign. & hypoth. Ludov. exerc. n. 18. ult. lit. C* & valet hoc pactum inter cives, licet fructus usurarum modum excedant, *Brunnem ad l. 14. & 17. C. de usur.* Id quod tamen cum distinctione inter antichresin tacitam & expressam est exaudiendum. Illam dicunt, si creditor data pecunia simpliciter, nulla usurarum mentione facta pignoris loco rem fructiferam accipiat, quo casu tacite actum videtur, ut creditor ejus fructus usque ad legitimarum usurarum modum retineat, *propter l. 8. ff. in quib. causis pign. tac. contrah. Meier. in C. I. A. de pign. & hypoth. 18. 14.* Hanc vero, si expressis verbis pacificatur creditor, ut pro usu pecuniæ fructus rei oppignoratæ loco usurarum lucretur. *l. 39. ff. de pign. action.* & hoc in casu subdist. est, an res pignori data certos annuatim serat fructus, an vero incertos? priori casu illud, quod excedit quantitatem usurarum, quotannis sorti imputandum est *l. 2. in fin. C. de usur.* posteriori casu ubi fructus sunt incerti, neutiquam. *arg. l. 17. C. de usur. vid. Hahn. ad Wesenb. de pign. & hypoth. n. 5.* Unde etiam est, ut quidam distinguant inter prædia rustica & urbana ita, ut in his v. g. ædibus, cum pensiones semper sint certæ. *l. 14. C. de usur*, quæ usurarum quanti-

quantitatē excedunt, sorti imputentur, non vero in illis, quia non quilibet fundus quovis tempore æquales fructus fert, ut modus usufru-
 rarum adeo exacte observari nequeat. *Bach. ad Treutl. v. 2. Dieh. 6. B. Tabor. tr. de alt. tant p. 3. tit. 12. Schöfer p. 2. quest. 27. Q. l. A. cit. loc. th. 14. Rauchbar. lib. 2. tit. 20. Wesenb. ad ff. p. 1. D. 39. th. 24. Et ad l. 14. C. de usur.* Contra vero ab agricola antichresin pacisci non licet. *arg. Nov. 32. Et 34.* licet enim in his novellis antichreses non fiat mentio, verba tamen illa: *nemine penitus eorum audite terras detinere sub occasione fœneratitiae cautionis*: doctissimos *Ud. de antichresi accipere docet Rittersb. ad Nov. p. 3. c. 10 n. 21.* & hoc privilegium concessum est rusticis partim in gratiam ipsorum, partim propter utilitatem publicam: rusticorum enim conditio, si agellum suum alteri colendum dare cogatur, erit miserrima. *vid. Balduin. de pign. cap. 16.* deinde etiam tota hac ratione turbaretur agricultura, quod absq; maximo reipubl. detrimento fieri non posset. Sicut enim mundus sine mercatoribus vivere non potest, ex mente *Herm. Lathr. de cens. lib. 3. c. 12. n. 34.* ita ipsum sine agricolis prorsus perire ex mente *Carpz. lib. 6. Resp. 122.* verissime erit dictum.

§. 11. *Contractus si respicio, privilegiis non carent rustici*: insigne enim ipsis concessum, est circa mutuum in usuris, quas pro re justa omnino arbitramur. *vid. Hahn. ad Wesenb. de usur. Et fruct. n. 2.* Usuræ enim cum sint vel minores vel majores v. g. trientales, quinquunces semissales, bessales, centesima & pro diversitate caluum, sive minores, sive majores solvendæ. *Eck ff. de usur. n. 7.* constitutum est, ut ab agricolis usuras tantum trientes, id est, quatuor pro centum, *Brun. ad l. 26. C. de usur. n. 2.* accipere permissum sit. *Nov. 32. c. 1. auth. ad hac. C. de usur.* Ratio hujus rei est favor rusticorum, quia miseros agricolas nimium gravari æquum non est: nota vero, quod hæ usuræ tantum locum habeant in pecunia numerata, *dict. Nov.* non vero in frumento, oleo, vino & similibus fructibus: In his enim locum habent usuræ centesimæ, in singulos modios frumenti octavam partem creditor ab agricola stipulari potest, *d. Nov.* Ratio hujus reiposita est in incertitudine fructuum *l. 23. c. de usur.* Cum enim alii anni sint fertiles, alii steriles, deinde etiam quotannis pretia fructuum varient, quantitas usurarum in certa pecunia definiti non potest. *vid. eleganter pro more differentem hac de re Rittersb. ad Nov.*

Nov. p. 3. c. 10. n. 1. seqq. Nec obstat, quod hoc in loco fertilitas unius vel alterius anni modum usurarum legitimarum excedat, quia propter incertitudinem licitum est, quod alias illicitum esset, *Brumm. ad l. 23. C. de usur. n. 2. it. auth. adhac C. eod. n. 2.* facile enim potest contingere ut per alium annum plane nullos, vel exiguos fructus percipiat creditor. Qv. an rusticus ab alio rustico quincunces seu communes usuras possit stipulari, an vero trientibus acquiescere cogatur? Resp. prius affirmatur per vulgarem regulam: privilegiatus contra privilegiatum non utitur privilegio, *Covarruv. c. 7. pract. qv. n. 4. & seqq. Menoch. d. cas. 66. n. 38. Hillig. in Donell. d. c. 20. lit. C. & Perez. ad l. iunio. n. 4. C. qv. Imper. inter pup.* Sed necesse habet, ut ad jus commune accedat. *arg. l. 11. §. 6. ff. de minor. Zas. ad ff. de minor. n. 57.* licet autem hoc privilegium ex pietatis ratione tanta auctoritate rusticis tribuerit Justinianus, ut etiam violatoribus poenam irrogaverit, scilicet ut creditor, qui contra facere ausus fuerit, ex actione sua cadat *Nov. 32 in epil.* quod speciale & contra legem 8. C. *Si cert. petatur* omnino iudicat *Brumm. ad auth. adhac C. de usur. n. 2.* nihilominus tamen optimæ leges Justiniani neglectæ jacent, & a rusticis passim exigì solere usuras quincunces & semissales, testatur *Rittersh. in loc. ante cit. p. 3. c. 10. n. 32. & Brumm. cit. auth. n. 3.*

§. 12. Contractum pignoratitium si perferatur, quæritur, an res rusticorum ad agriculturam pertinentes, servi aratores, boves aratorii, aliaque instrumenta pignori dari possint? Et dari quidem expressa conventionione posse puto, ad eum etiam effectum, ut vendita creditoribus valeant, facit *l. 32. ff. d. pign. modo* quod addit *Peretz. ad tit. C. quæ res pign. oblig. poss. vendantur agricolis*, qui in eadem villa & possessione iisdem instrumentis ad agriculturam utantur, quæ limitatio eo magis præcedit in illis locis, ubi moribus receptum, ut agricolæ fundum instrumentis rusticis in præjudicium superioris privare nequeant, de quibus *vid. Brumm. ad l. 7. §. d. 1. de generali* autem bonorum obligatione quæsitum fuit, num ea quoq; instrumenta rustica contineantur? Et non contineri comuniter placuit, quod pignoris effectus, qui consistit in distractione & alienatione deficiat, *vid. l. 4. C. d. execut. rei jud. l. 7. §. 8. & auth. agriculores C. quæ res pign. oblig. put.* ubi pro executione pignori capi res hujusmodi prohibentur, quod ita ampliant *Dd. ut ne quidem in subsidium aliis rebus omnibus* defice-

ficientibus hoc fieri permittant. *Brunn. ad d. l. 4. Menoch. l. 2. Arb. Jud. Quæst. cas. 378. n. 11.* & in unico casu contumaciæ limitant, si nempe debita servituta dominis præstare detrectent rustici, ut tum & carceri mancipari & jumenta eorum pignori capi queant. *Gail d. arrest. c. 10. n. 1. Richt. decis. 98. n. 11.* Usu tamen contrarium obtinuit, ita scilicet, ut hæ res non tantum in causa pignoris judicialis, sed conventionalis etiam capi possint, in subsidium tamen, & omnia alia bonis mobilibus, immobilibus & juribus deficientibus. *Matth. Coler. d. proc. execut. p. 1. c. 3. n. 187. seqq. Carpz. Proc. tit. 25. art. 2. n. 14. adde Wisf. senb. ff. p. 1. D. 39. th. 4.*

§. 13. Circa emtionem venditionem iterum rusticis privilegium conceditur: Etenim si quis rem suam vendiderit, & in ipso contractu ante traditionem aut in traditionis etiam actu hypothecam pro residuo precii sibi, licet extrajudicialiter, reservaverit, omnibus aliis ratione istius precii præfertur. *Thursl. Sächs. Process. Ordn. tit. 41. pr. verb. da auch einer 3c. Carpz. p. 1. c. 28. d. 20. & pr. 2. c. 23. d. 16.* In rusticis tamen more hujus provinciæ introductum esse scribit *Anton. Rauchb. p. 1. q. 6. n. 7.* quod rebus venditis pro precio pignus retineant, etiamsi de eo nominatim sibi non prospexerint, idque propter ignorantiam & simplicitatem, quam & jura communia favore & immunitate pluribus in casibus prosequantur. Sed vereor ut usu hoc in nostris judiciis, obtineat & dubitanter id ipsum loc. cit. *Rauch.* asseruit. Sane si specialis consuetudo & statutum locale tale quid indulgeat rusticis, invidendum id ipsis non esse, facile concesserim, quale ex *Ordin. judic. Magdeb.* adducit *Richt. in tract. de jur. ac privil. cred. c. 2. memb. 1. n. 46.* & ita etiam præjudicium ibi adductum intelligendum esse puto.

§. 14. Transeo ad contractum locati conducti, & invenio privilegium Rusticis competens: Consequitur enim locator prædii urbani justitiam hypothecæ in invectis & illatis conductoris pro pensione a conductore solvenda l. 2. *seqq. ff. in quibus caus. pign. l. hypoth. tac. contr. l. 5. C. d. loc. cond.* quod tamen secus est in invectis & illatis in prædium rusticum l. 4. & 7. *ff. in quibus caus. pign. l. hypoth.* In explicanda hujus privilegii causa *Dd.* non idem statuunt: *Eckoldus* enim *ff. in quibus caus. pign. l. hypoth. §. 3. cum Vinnio ad §. 1. d. act. n. 9.* confugiant ad mores populi Romani, qui solebant in prædiis rusticis nata

five

sive fructus pro mercede seu pensione obligare *l. 6. §. 8. ff. d. furt. quæ*
 & hodie sic obligantur *Hahn. ad Wesenb. in quibus caus. pign. l. hypoth.*
n. 1. Ludw. exerc. 15. th. 2. lit. H. quos mores postmodum in leges abiisse
 contendunt: Aliam vero adducit *Zalius ad §. 8. J. d. exit.* quia rusti-
 corum res ejus plerumque sunt conditionis, ut latere non possint;
 hinc facile potest certior esse locator, an sufficiant res, quas condu-
 ctor expresse pro pensione obligavit; aliud vero est in rebus civi-
 um, qui facili negotio possunt recondi, & sic etiam locator defrau-
 dari. *adde Struv. in Synt. jur. civil. exerc. 26. th. 16.*

§. 14. Ad res referuntur quoque delicta, siquidem per res in-
 telligimus omne id, quod nec ad personas nec ad actiones pertinet.
Ludw. in Comm. ad pr. J. d. R. D. nec hic desunt specialia rusticis com-
 petentia: Cum enim nullum delictum absque dolo perpetretur,
Carpz. in Prax. Crim. quest. 146. n. 32. seqq. hic vero nonnunquam ex fa-
 cto præsumatur *arg. l. 1. C. unde vi*, in actibus scilicet illicitis *Hahn. ad*
Wesenb. d. jurisd. n. 13. verb. ut præsumitur ex facto. Speciale hoc in ru-
 sticis observatur, quod a dolo illo præsumto sint immunes *l. 7. §. 4.*
ff. de jurisd. Carpz. l. 6. Resp. 122. n. 18. Hahn. ad Wes. c. 1. verb. nisi error. &
 per simplicitatem magis, quam per dolum delinquere creduntur
Richt. p. 1. decis. 1. n. 192. a delictis vero non excusantur, nisi in casibus
 expressis v. gr. in corruptione albi *l. 7. §. 4. ff. d. jurisd. Carpz. in Prax.*
Crim. q. 45. n. 45. Sic etiam excusantur in hæresi, quia juxta *Can. Hæ-*
reticus 23. cap. 24. quest. 3. hæretici sunt, qui gloriæ principatusq; sui
 gratia falsas novasque opiniones gignunt & pertinaci animo defen-
 dunt, quod tamen in rusticis facile non præsumitur, *Richt. decis. 1. n.*
194. De his delictis in legibus expressis videri latius potest *Berlich.*
p. 4. cont. 1. n. 106. Menoch. in Arb. Jud. quest. 1. 2. cent. 2. cas. 194. n. 4. 5. &c.

§. 15. Jam ad amissionem rerum rusticarum, ubi *lex 8. C. qui ad-*
mitti ad bon. poss. iterum contra jus commune rusticis subvenit. Cum
 enim in bonorum possessionibus communiter certum tempus con-
 stituatur, intra quod fieri ea debeat, scilicet a liberis intra annum,
l. 1. C. qui admitt. ad poss. a proximis agnatis & cognatis, transver-
 salibus intra centum dies *l. 1. §. 2. C. eod.* constituitur tamen in dicta *l. 8.*
 rusticis non obesse si intra præfixitū tempus bonorum possessionem
 non petierint; cujus rei ratio iterum est rusticitas, uti ex ipsa lege
 apparet, *ibi per rusticitatem.*

§. 16. Tandem devenio ad *actiones*, ubi largissimum rustici habent quæsitum beneficium. Cum enim cives aliquando jus suum persequi necesse habeant modo ordinario, quia quælibet causa regulariter est ordinaria *Gloss. ad l. 3. §. 11. ff. ad exhib.* qui multum tempus pariter magnamque crumenam consumit, paucis exceptis casibus, de quibus *Carpz. in Proc. tit. 1. n. 46. multisque seqq.* singulare iterum tribuit Justinianus rusticis in *Nov. 80* ut scilicet ipsorum causæ debeant esse Summariz. Quod privilegium, ut & alia multa, ideo ipsis tributa sunt, ne agricultura per diutinam rusticorum absentiam quid detrimenti capiat. *Renat. Choppin l. 1. p. 2. c. 1.* quod adhuc hodie observatur teste *Carpzovio l. 6. Resp. 122.*

§. 17. Has autem actiones sive consideremus ante judicium, sive in judicio, ubique jura specialia deprehendimus: Ante judicium notum est tum ex *l. ult. C. de appell. tum ex Ord. Proc. tit. von der Klage in pr.* quod communiter quilibet libellus debeat esse clarus & aptus, contra si fiat, dentibus sit dilacerandus a iudice: In rusticorum vero causis aliud observari tradit *Chopp. de priv. rust. l. 3. cap. 1.* scilicet libellum rustici hominis inepte conceptum haud ideo rejici oportere, sed omisis juris apicibus recipiendum esse, modo obscuritas non sit tanta, ut facultatem deliberandi auferat reo: quo casu sicuti mercatorum: ita etiam rusticorum obscurus libellus admittendus non videtur. *Nicol. in Proc. part. 1. cap. 9. n. 1.* Sic ulterius notum est ex *constitut. Electoral. 2. part. 1.* quod in Electoratu Saxoniz non debeat admitti libellus articulatus, sed potius, parte adversa etiam non urgente, ex officio iudicis rejici. At admittitur talis, si de operis & servitiis rusticorum agatur, ubi articulatum libellum rejicere haud licet, uti cum præjudicio ostendit *Carpz. l. 2. Resp. 53. n. 2.* Tertio ex antea allegato titulo *V. Ord. Proc. §. wir lassen auch geschehen* docemur, quod in uno libello ultra tria capita ex diversis causis promanantia non debeant proponi *Carpz. p. 1. c. 2. d. 4.* At statim annectitur speciale jus rusticis concessum, cum verbis, doch wollen wir ic. ab hac regula excipiuntur libelli de operis & servitiis rusticorum agentes.

§. 18. Circa citationem & comparisonem illud quoque observandum, quod personæ rusticorum sint privilegiatæ tempore messis & vindemiarum: Cum enim communiter vocati sit comparare, nec contemnere auctoritatem iudicis, licet non sit competens *l. 5. ff. de judic.*

dic. impune tamen hoc tempore iudicium detrectare potest rusticus propter *l. 1. pr. ff. d. feriis*: ubi *Qv.* an hoc privilegium recte referatur inter privilegia rusticorum, sive annon potius beneficium sit commune? *Resp.* Si aspiciamus paulo penitius *l. 1. pr. ff. de feriis & l. 1. C. d. agric. & cens.* affirmandum prius videtur, cum *Brunn. ad d. l. 1. C. ut & l. 2. C. de feriis. n. 12.* quia occupatis saltem circa rem rusticam illud conceditur: observantiam vero hodiernam si attendimus, affirmatur posterius: quia feriæ humanis usibus dedicatæ omnibus hominibus prosunt, *add. Habn. ad Wesenb. de feriis. n. 7.* quam sententiam præiudicio illustrat *Carpz. p. 1. c. 3. d. 23.* Huc quoque pertinet illud, quod sententia, qua rusticus contumax condemnatur usque ad executionem, non valeat, nec executionem mereatur, quin potius rusticitati parcatur, juxta *l. 2. §. 1. ff. Si quis in voc. non ierit.* nisi rusticus in vero & manifesto dolo deprehendatur. *Berlich. p. 1. concl. 17. n. 98. Nicol. in Proc. 1. c. 35. n. 5.*

§. 19. Si progredimur & deducimus actiones rusticorum in iudicium, statim occurrit nobis ius speciele in litis contestatione: cum enim rusticorum causæ summariter tractentur, uti supra dictum, consequens est non requiri solennem litis contestationem, sed sufficere qualem qualem responsionem. *Nicol. in Proc. p. 1. c. 37. num. 9.* quod iterum beneficii loco habendum, cum alias solennis atq; specialis in causis civium requiratur litis contestatio, *Carpz. p. 1. c. 10. d. 1.*

§. 20. Si devenimus ad positiones, iterum se offert favor agriculturalium: cum enim Advocatus in positionibus quid confessus sit, tam in commodum, quam præiudicium partis propter *l. 18. ff. mand. dictum* putatur, & sic præiudicat Clienti. *Mascard. de prob. concl. 381.* In rusticorum causis aliud observari tradit *Choppin. de priv. rust. l. 3. c. 1.* scilicet rusticos contra hanc confessionem quolibet tempore restitui, quia censetur rusticus ob inciriam eandem non approbasse.

§. 21. Sunt præterea, & alia jura specialia pro rusticis facientia, v. gr. ius retractus in alienatione metrocomiarum *l. unic. C. non licere habit. metrocom. n. 55.* verum cum non de omnibus, sed præcipuis saltem agere nostri sit instituti, omittimus ea, & pergimus ad caput ultimum.

CAP. VI. & ultimum

^{D E} *Effectu & contrariis.*

§. 1.

Debuissē in speciali capite agere de fine privilegiorum rusticorum, quia vero ille est varius, & in præcedente capite singulis privilegiis paulo commodius annexus, merito progredior ad effectus, quorum primus est, quod privilegia hæc juris communis dispositionem temperent, & vim quandam legis generalis derogandæ secum ferant, *l. 14. ff. d. LL. l. 1. §. 2. l. 3. ff. d. const. PP.* uti in præcedente capite ex singulis privilegiis apparet. Secundo huc quoque pertinent actiones, quibus rustici privilegia sua tueri possunt, actio scilicet confessoria & negatoria utilis; quamvis etiam hæc actiones directæ ad vindicandas servitutes sint inventæ, *l. 4. §. 5. & l. 1. ff. si servit. vindic.* reperiuntur tamen loca in jure, ubi illæ ad res etiam alias extenduntur v. c. ad jurisdictionem uti ex *l. 9. §. 2. ff. de damni. infect.* demonstrat Hahn. *ad Wesenb. d. jurisd. n. 19.* ad receptionem decimarum vel reddituum *c. 25. & 19. x. de decimis*, ad jus præsentandi patrono Ecclesiæ competens, atque ad alia jura Ecclesiastica, prout concedit Schneidew. *ad § 2 I de action. num. 10.* Ergo & hoc in casu iis actionibus commode uti quis poterit.

§. 2. Cumque nihil tam firmum sit, quod destrui iterum non possit, sequitur, ut videamus quoque horum privilegiorum contraria, quæ dependent partim a persona concedente, partim ab ipsis rusticis: Illorum e numero huc referri potest *Revocatio*. Si enim rusticorum privilegia ex sola principis dependent liberalitate, princeps semper & omni tempore revocandi potestatem habet *Grot. d. J. B. & P. l. 2. c. 14. n. 13. Reink. d. reg. sec. & Eccl. l. 2. class. 2. c. 8. n. 29.* Ex horum catalogo sunt *1. renunciatio*, quando quis expressis verbis profiteretur, se hoc vel illo privilegio amplius non velle uti, *l. 1. ff. si quis in jus voc. l. 4. §. 4. ff. si quis in caut. in jud. c. 17. x. d. for. comp.* quia legibus cautum est, ut quilibet favori pro se introducto renunciare possit, *l. 41. ff. d. minor. l. 29. C. d. pact. l. 95. ff. d. Acquir. hered.* bene tamen notandum, quod renunciatio re non cognita subsistere non valeat, nec renuncianti præjudicare possit *l. 25. §. ult. ff. d. probat.* renunciationis enim ea est

ea est natura, ut renūciantī minus obest *l. 89. ff. de solut. l. 17. §. 1. ff. d. pact.* præsertim a rustico facta non facile obest renūciantī, quia rusticus præsumitur sua jura, privilegia & beneficia ignorasse, maxime si de iis non certioratus fuit, nam non præsumitur quis renūciare juri, quod ignorat sibi competere *l. 19. §. cæterum ff. d. inoff. test.* hæc obiter. II. *Causa cessatio*: quando scilicet causa, propter quam privilegium alicui concessum est, desinit. *l. 22 ff. d. excusat. l. 20. ff. d. testam. milit. l. 9 ff. tut.* hoc enim jure utimur, ut privilegium alicui ex qualibet causa concessum tamōi duret, quamdiu durat causa *c. 60. X. de appell. Gail. l. 2. obs. 85. n. 3.* quod licet suas etiam patiatur limitationes, obtinet tamen in præsentī negotio, ubi dux existunt causæ: I. Rusticitas seu simplicitas: Nihil itaque profunt hæc privilegia rusticis versutis, callidis, subdolis, sagacibus, in alterius perniciem eadem usurpare volentibus: Myns. *ad §. 8. l. d. excus.* Sicuti enim Senatusconsultum Vellej. deceptis saltem mulieribus, non verò decipientibus subvenit *l. 2. §. 3. ff. ad Sc. um Vell.* & quemadmodum neque in delictis neque in clauumniatoribus Prætor succurrit *l. 35. ff. d. min. l. 3. C. de pifc.* audient. Ita simplicibus & probis rusticis tribuuntur privilegia, *Richt. decis. l. p. 1. n. 191.* II. Solitudo in pagis; simulac itaque rustici se conferunt in urbem, privilegiis suis defraudantur, & ad observanda jura communia adstringuntur. *Brunn. ad l. ult. Cod. de testam.*

§. 3. Qv. hoc loco, an etiam jura communia observare teneantur, si conferant se saltem in suburbia? Resp. Affirmando: Vocabulum enim urbis seu civitatis hoc loco non sumitur materialiter, quatenus significat ædificia muris inclusa *l. 2. pr. ff. d. l. §. S.* sed formaliter, quatenus denotat ordinationem & jus, quod habent clves, *Limn. in jure publ. l. 7. c. 1. n. 22.* quo intuitu incolæ in suburbanis pariter & intra muros habitantes in civitate commorantur. Quemadmodum itaque suburbani eadem cum urbanis usurpant jura in favorabilibus & ad commoda spectantibus, quare non etiam in iis, quæ commodum non nihil impediunt? vid. *Philipp. in Usu pract. J. l. 1. Ech. 3.*

§. 4. III. Sunt actus contrarii; quemadmodum enim rustici nonnulla privilegia per longum usum sibi acquirere possunt, ut supra demonstravi in emptione venditione; ita etiam per non usum & per

& per usum contrarium amittere eadem possunt. Ubi Qv. an unus sufficiat actus? Resp. quod sic, si scilicet directo est contrarius: directa enim contraventio renunciationem tacitam inducit, *l. 2. C. d. jur. dum impetr. Gail. l. 2. obs. 60. n. 10.*

§. 5. Potuissent equidem hæc omnia uberius explanari, quod autem alia plane omiserim, alia breviter tradiderim, aliæ in culpa sunt occupationes, ob quas Benevolus Lector veniam mihi indulgere, hasque ipsas theses ab alio forsitan magis elimatas expectare velit, rogitō,

D. L. H. & G.

